

荷
塘
詩
集

荷塘詩集卷三

涇陽張五典敘百

正月二十二日舟次閩邸報恭讀

御製賜陝西涇陽縣貢生張璘七世同居詩望

闕叩

謝敬依

元韻紀

恩二首

禮樂鈞陶仰

聖人彛常敦睦化齊民愧無報

國千秋鑑祇有關情一本親蓬宇春生沾

日照

天章雲麗共星陳願持

寶訓傳家法奕世長徵

治理淳

寒微關輔草萊人欣是時雍

堯舜民

上聖從長爲善善

宗周於道本親親

九重詔下先承

寵百忍書成豈待陳慶溢田間皆

帝德

化行海宇久風淳

清江浦待闡值張子元孝廉

意外得攜手徘徊楊柳堤
連茵藉芳草消渴剖甘
梨浦暗江烟合春寒野日低
扁舟同載去客路待

分題

雨

層雲迷泰岱飛雨過平原風掠蒲帆拆濤爭石牖
奔堤灣黦雜樹聚落出雙墩陡覺春衣薄維舟命
酒樽

張桓侯廟

涿州時
大雷雨

舊識鄰村羽葆桑炎精十世未銷亡斷橋叱咤回
戈樽傳檄從容定益梁故印深藏涪水曲靈旂獨
近惠陵旁猶疑鐵馬隨風雨栢樹陰中紫電光

銅雀臺

建安瓦甃一臺孤，鄴郡單單作帝居。
皂帽有人知漢臘，不留詩卷入黃初。

汲縣答杜明府其年索書因寄二柳

慣乘西抹東塗手，平放蛟螭作飛走。
相逢一揖便相問，向來好事今能否。
君不見相國寺中白粉牆，已蘸黃泥掃敗帚。
碧紗望斷應自譏，駿駒跛足誰能守。
多恐縱橫不入時，徑持此幅示陸叟。

晉陽詠古四首

天寶開公子艱難立霸功龍蛇應返國呂卻漫焚
宮飛騎陽樊入羈俘駟介中如何貪請隧三讓拜
彤弓

隔城望烽火繫獄識高光單使來江表宮人侍晉
陽兒爲家國計詞引夏商亡一代凌烟閣裴劉宿
草荒

年號稱天福長驅汴水湄中宮憐戰士羣小負孤
兒耶律相依後方隅自保時降聞盡江廣使相尚
須遲

忠襄

明蔡公
楙德

來建節國步已終屯
鼙鼓秦關震烽

烟晉水昏偏裨得南八

謂應將軍
時盛也

悲贖失劉琨三

立祠邊路寒蕪舊墓門

和張用九先生題棺詩

鋪隨應笑偏螻蟻蛻化何人定
蟪蛄入世因緣無
罍礙有生皓白此身軀
從知詩老王官谷便是仙

翁市上壺還欲相要東海去
鄉垓九節問菖蒲

時余

將赴
閩南

樊川

襄陽京兆本同枝
零落開元杜牧之
應向樊川恨
魚鳥遊人爭問少陵祠

鴻門坂

舞劍鴻門坂
沛公如脫兔
絕食滎陽城
將軍駕轡
輅幸分一杯羹
生死復誰顧
慟哉王安國
未及爲
徐庶

商南題家書後

曳湖春雨夜
秦嶺曉風時
寂歷烟沙際
森沉竹樹
枝幽尋憐絕境
回望重離思
明日扁舟路
歸程隔

歲期

襄陽口號

孟襄陽後米襄陽一種高風並擅場詩思藍關衝
曉雪畫船夜月瀉江光

西塞山

桃花流水正春和楚楚青山撒眼過輸與元真真
泛宅坐收江海入漁簑

南岡

南岡何高高上有郭生墓苔蘚沒斷碑已失雙柏

布坊言 卷三 五
樹袴褶徑相遺早知形骸寓未愁處仲忍危詞藉
一悟可憐石頭城近逼南街路錢鳳爾何人却超
死已暮獨嘆青囊書何如爾雅注善易不言易學
人守其故

將至白水鎮遇雨

細路樟樹陰斷橋莎草外氣暝山雨來顛風助滂
沛隔岸望人烟寸步阻激瀨蹲依隻輪車斜攀碧
油蓋岐途原如此造物非狡獪霹靂一聲飛日影
曳殘靄沾衣看淋漓且喜無纖盞回頭語僕夫市

樓出曉藹

黃竹嶺

山行起每遲，峽崕繞亂流。石在苔露滑，宿烟橫未收。松杉夾去徑，蜿蜒曳翠虬。棧磴半明滅，蒼然雲氣浮。扶身仗輕策，步步一回頭。畧約跨聳壑，梵刹出林幽。孤坪誰疏削，草茵供小留。何必培風翼，始作逍遙遊。凌空去絕頂，徑欲問丹邱。俯看人間世，滄溟一浮漚。

舊僕迎至汀州

消息誰報汝灘船隔月來鄉程發春暮節物過恢
台遲待時經久猜疑日幾迴我生慣淹滯汀水似
紆洄

渡海

誰量擊水止三千渺渺孤槎向日邊橫軸那還知
地大占形始得見天圓澎湖島嶼蛟龍守赤堦城
郭鐵石堅奪險當年沙線尾湖頭十丈送樓船謂

靖海平
臺時也

題甘和菴都督畫二首

國寶侯
官人

海魚

弭楫澎湖港龍尖入饌初識名慚博物舉網看多
魚喙出鷗鵲似鱗鮮錦翠舒眼明披畫卷爾雅詎
完書

卧牛

連天草碧流泉清山原一片秋光明短犁掛壁初
罷耕彌角擲尾自在行黃鐘滿脰牟然鳴寢訛轉
覺千筋輕泥中曳尾誰寄情南山白石徒希榮細
推物理能肖形不用幻藥分陰晴黃牛革裹無戎

兵升降閒得隨麾肱盤碎總不中犧牲爾牛便是
函關青

次答張宏軒學博留別

伯謨閩縣人

寥落東南島嶼間相逢揮塵爲開顏晉安派別鄉
人忌博士官清曉夢閒長有砌花娛客醉仍將海
舶載書還何時共挽莘田叟

黃翁任

却望滄溟上鼓

山

鄒寶松太守琴鶴照

茂苑吳擘心寫伯兄半谷老人記

向遊浙西東舉稱政簡易未及識君面望風心輒

醉近從海上來相逢見標致嘈雜謝塵緣清靜畢
公事蕭然郡齋中焚香但掃地擲拂與說禪載酒
或問字晨夕久過從處處太古意卽今証前聞符
合無小異吳生我輩客筆底遙情寄長公妙語言
掀髯爲作記自與鷗鳥狎共憐山水志展對當清
秋島烟浮空翠

登郡城樓

晴潮寒碧上城根人倚層樓看曉暎山勢東斜貪
讓海土疆北闕故通番荒祠鼓角田間社閒戍旌

竿樹外墩繞檻飛飛雙燕子新歸得路自中原

送安息香與家孟邨

花枝香屑與爲緣冰麝平分記臘前紙帳夢回寒
夜雨微薰應又破枯禪

犀壓重簾一縷餘曉窻好仿硬黃書龍涎碧海憑
採取生計留將付老漁

除夕次韻家休庵

坐覺春從海上來椒盤異域得同開事傳聊爾鄉
中俗人在超然物外臺閱世年多疎客鬢泛槎天

與老詩才林鴉擺馬矜高唱爛醉戎家守歲杯

赤嵌行

曉霞杳靄明赤城海色一碧春波平上元節前好

風物將軍折簡招賓朋

龔自叔
都督

排雲倚島俯千仞

初來恍惚疑蓬瀛遠啣鷄籠指虎仔澎湖礁嶼俱

浮萍近挹鯤身對鹿耳沙線南北交纏縈勝地天

開始何日要憑良會發精靈彈碁投壺且斂手射

潮小試雕弓鳴漿船載送酒百斛倒傾玉斗飛金

觥帳前饒歌奏朱鷺琅琅直答風濤聲習流軍士

突出沒撇波擊浪如鯤鯨歡呼未厭日曛黑戰艘
銜尾懸紅燈爆竹晴空催雜戲轟轟呌耳驚雷霆
舍利魚龍窮變化火鬣朱鱗紛怒生主人娛客正
多情風利扁舟未可停琉璃千頃絕塵滓蕩漾孤
月浸寒星馮夷出聽潛蛟舞扣舷擊楫凌滄溟回
頭縹緲望樓堞還見彤幟連絳旌

臺陽雜詩

經旬舶趙好風來有客東陽佐酒迴海上人家認
歸處綠珊瑚樹粉墻隈

四時強半著冰紗
踏徧芳叢窄鳳斜
最是棧林春
港路碧油傘底滿頭花

鷹爪碧蘭紅佛桑
纍纍青子綴
檳榔臘前菡萏迎
年菊開向春風七里香

長時蜥蜴盤窻叫
首夏蜩蟬抱葉嘶
風雨海潮音
徹夜標標啼徧五鳴鷄

斫取深林厚栗來
修船構屋有餘材
生番掃跡山
樵便蕭朗加冬充竈煤

謝鄒太守惠弓箭

應元常
州人

誰言一丁字勝兩石弓。弦聲霹靂馬如龍。誰勞學
瞬機下倒錐末。鳴鶻突發追羸蟲。使君原是射雕
手。幃車悒悒氣作嘔。自盤弓稍賦短歌時。出刀劍
飲客酒。謂我膂力可大用。握卵附枝論發縱。燕牛
之角朔。筵幹羅材監製耗。清條天時工巧俱不違。
當風引滿寒星飛。投筆萬里此志耳。未分書生老
布衣。

甕菜

嫩綠浮春池。葦筏作畦畝。細莖間脆葉。泥沙未能

垢雅勝僧房。蠶宜點葡萄。酒借問種者。誰恐是抱汲。嬰。

波羅蜜

斫樹出汁。凝則實。故又名刀生果。

一花五葉後。託根到震旦。聖果原有因。慧劍故用斷。味甘無中邊。何止啖一半。我本自西來。還與登彼岸。

次答周晴嵐孝廉

樹海寧人

鷹在鞞條鳳在笈。笑他束縛受牽拘。廣文三絕詩書畫。高士孤懷潔懶迂。對子能無慙體慢。方臣自

是有工夫張南周北相鄰竝每到酣歌互唱喁

澎湖

三十六島知何似數點烟缸數尺磯出海來占風

信好

俗稱籍公爲出海

時時白鳥入雲飛

重洋有白鳥似燕而大舟行見

吉之謂

澳口新晴日未斜拍天碧水浸紅霞撥船三板乘
風軟礁嶼東西揀石花

蘭

建溪有幽蘭芳花不易地我行與花辭向我作花

意漏舟載輕裝黃磁尚可致譬如君子交相依輒
心醉樂與數晨夕邂逅亦何易留根事栽培肯爲
中道棄

別任七廷楫

故總戎岱宗長公子

當時大府有清名身後全家寄故城公子流離餘
衽禍將軍部曲異平生計程峽口鄉關杳卧病漳
濱歲序更期汝連熬東海上笑看頭角已崢嶸

偉人學使以詩招至福州用韻却答

水驛南臺路前年住短檣訪君來畫閣留客坐寒

宵不謂慙期許長煩念寂寥歸程溯江漢悵望越
山遙

濯足萬里流照

爲山陰周
豈厓題

南北飄零已白頭尋詩苦欲寄冥搜廿年重趼關
山路夢到門前萬壑流

別十二弟敘爨

他鄉又別離告戒已先期能慰關心處猶如見面
時阿兄牽世務吾弟好天資暇日當年少人生正
有爲

清江縣

公是公非誰短長
太詼譎處太清狂
二劉老去風流盡
誰問臨江舊墨莊

彭蠡湖

落星灣頭天如墨
礮礮光中飛霹靂
湖水漩澗作倒流
驚風翻動蛟龍宅
靖康遺事感羈懷
鳳舫龍舟走巾幗
瑤華悲泣掩雙蟬
玉面翠蛾失婉嬋
宮中堯舜時已遠
南渡蒼黃棄宗祏
終看花月去臨安
誰向風烟望五國
洪州建寧路間關
可憐骨肉

正分拆昨來擊汰過豐城澄潭猶記金花跡湖邊
誰去撥晴沙恐有遺釵帶辭碧歌罷燈昏香篆消
殘雨船篷響浙瀝

漢趙順平墓

曾向軍門偃鼓旗翻翻連弩大江湄關張同得作
飛將君相從來無貶詞洛下七年誰與宴漢中期
月事堪悲秘書卻正深惆悵爲憶當陽血戰時

望夫石

新野

別魂望斷古河邊兒女癡情太可憐夫婿封侯歸

有日功成勒石到燕然

魯山旅店遇潘天池

君從何處來肯坐共殘盃遊跡亦無定壯心猶未
灰披襟宜野店繞砌步新苔不盡流連意宵分帶
月迴

悼往詩并序

余以丁亥三月三日赴閩熊孺人六月九日
歿家人故匿其信戊子七月歸及里門乃始
得知撫棺一慟冬十月卜葬城東含酸志之

不能成詩也已丑太原旅中值二周之期爲
虛位遙致薄醪夜夢奕奕如平生既覺淚濕
枕簟旬日來無夕不夢無夢不哭感念逝者
如在初歿爲作小詩得三十首存十六

斷去音塵動隔年蕩遊端是悔從前死生大矣誰
能主臨了輕拋百日緣

珊珊自欲去凌虛於我因依十載餘不信臨風留
不住祇爭親手挽裙裾

消息無人寄與聽靈槎萬里泛滄溟東瀛縹緲仙

山近誤我尋蹤叩玉扁

依舊粧樓最上層樓頭風雨暗殘燈醉魂中夜長
顛倒錯怪連聲喚不應

奇恨深愁觸緒生無聊昏睡帶餘醒老親慮我傷
神死哭許不時一放聲

不數尋常戒弋鳧案眉合調唱于喁記逢佐讀三
更雪特出床頭酒一壺

桂花風裏雨如塵乍覺輕寒欲中人雲錦曾將裁
半臂中秋爲我賀生辰

畫叉琴薦頗相於瀟灑粧臺筆硯俱一幅生綃猶
在壁內人背而欠伸圖

課女嘗從曠面餘繡針鈿尺曉窻虛案頭指與簪
花格月下牙床口授書

聘錢真與出金鈿未及相持一見憐擁髻淒然時

卞淚不堪人事早飛烟

李妾到家時
孺人先歿矣

當年最快得延明賦賞秋河點筆成

余嘗從學
未陽母舅

恨岐塗多巧滯星橋風浪一時生

門前楊柳著春枝薄行真如白傅詩逝者有知知

鑿取商瞿憂色尚無兒

附再娶吳氏

汝南絡秀願來歸齒遇華宗計莫違沙磧生金珠

出蚌感君舊許置青衣

李媛方孕五月矣

十載萍踪去住難就中最少是團圓而今羈旅堪排遣且當平時小別看

夢裏逼真醒後疑來從何所去何之攬衣獨向空階立正是參橫月落時

因緣自古比塵輕一覺匆匆俱眼明好我果能時入夢把君禪可當長生

錢潤蒼同年病酒

汝霖昆
明人

戰茗彈碁事事奇
醉鄉大戶更無疑
浮觴正好觀其態
行藥偏逢及此時
文室青熒燈似豆
疎窗蕭瑟雨如絲
可堪跌坐清無寐
獨和淵明止酒詩

聞趙百川王珍愚訪邢季佩朔州官舍賦寄

二首

臺上黃金不可招
征衣短後劍橫腰
來從古道飛狐口
共向居延看射鵰

風流刺史得佳客
爲引紅粧上白樓
檢點敝貂金

已盡賦詩准當錦纏頭

大同懷古

勢抱重關控極邊漢家亭障舊相連中郎使節蘇
卿老太守聲施魏尚賢秋到白登山積雪春深青
塚草生烟何人識得銅牌鹿應記元封出塞年

寶宮寺木塔

遼清寧二年建

金縉歲歲許修和祝髮齋僧日漸多梵覺經文貢
西夏空門土木戒常哥莊嚴畫塔依然在笑兀蒼
穹似可摩開寶曾聞藏舍利

宋垂拱二年作開劫寶寺塔藏佛舍利

殘汴土竟如何

透玲碑

石長三尺餘闊如之光明可鑑傳爲晉王李克用墓上物明人鑄爲寶宮

寺碣

謂石非石玉非玉清光炯炯奪雙目豐碑華表晉
王墓龜趺螭首出山麓生前大節仗忠義報書帝
號却巴蜀錦囊三矢付奇兒功成告廟副遺屬鴈
門刺血祭先王彷彿麗牲碑柱旁何年兵燹坐零
落來爭古佛白毫光臨安縣東石一片衣錦人來
逼聳戰颯爽天生熊虎姿石頑都能識世彥誰教

伶樂歌東平送死空餘石鏡明
夷邪龍歸可哀曲
武擔覆土葬山精

吳牧村生日招飲聞笛次韻

三彭不用談仙術百歲終能了佛機
素侶招要隨簡至荒邊車蓋到門稀
瓊筵記取冬初集玉屑疑從座上霏
爲報青巾紫裘客有詩答得鶴南飛

盼家書不至

應有鄉園信秦關使未迴
夢曾占玉燕月已滿珠胎
身世多遺缺年華漸逼來
何當慰懷抱笑口一

爲開

夜

移案篝燈補注書風簾重押一窻虛因翻箋說流
傳誤自償平生識解疎新釀細斟桑落酒故人分
惠石花魚地爐楮袖餘殘火寒柝聲中夜欲除

家書至得子並添姪四人口占寄諸弟

西來黃耳通鄉信老蚌居然也得珠名位卑微異
時足推占災難命宮無吾門何德多男子半載添
丁五丈夫人授一經堪課業傳家書帙舊連厨

魯渭川刺史見和次韻答之

末邁封胡階下玉豐盈犀角掌中珠佳兒人事真
何預此物天生不可無我是常情憐少子君期有
論著潛夫漫愁信筆書麀錯來就陳家湯餅厨

送季佩守慶遠

荔支香裡到宜州坐嘯風清九夏秋手搗涪翁書
一紙登登疎響出南樓

荷塘詩集卷四

涇陽張五典敘百

恒山詩

水月搖戒壇嵐烟浮坐具徧地金蓮花依依共扶
住懸空寺

版屋跨溪流水磨自迴轉秋漲來無時山南築石
堰滙水

仙人在何許可望不可卽行行采茯苓相見會相

識望仙亭

清曉入山來支筇此延佇傍夜雨冥冥人歸把兩

炬

虎風口

起龍出爲雨爲雨赤龍尾歸眠抱領珠爭功任社

鬼

潛龍非

但來對空枰與度千百劫迴看四山中穠花復黃

葉

琴棋臺

秋風響巖壑林影疎清樾時有雪毛狐庵前拜星

月

得一庵

空響本無樹樵斧霜林外聞根近已斷入耳祇天
籟空響樹

安禪老衲子雪巖敞石竇木客解吟詩寒燈許來
就護門草

共說無常住飛去挾風雷移文試相問何日又飛
來飛石窟

山頭過片雲殘日翳復吐樵子暮歸來方知山下
雨夕陽嶺

欲問通元谷悵望白雲岑細路荆榛合跼然少足

音通元谷

送友人歸鎮江

蕭疎已見鬢毛蒼，騰蹕猶誇筋力強。
遊蹟盧龍出塞曲，鄉心京口渡江航。
且留文字爲歡飲，漫整鞭稍作急裝。
一笑相逢那易得，形骸畧盡兩相忘。

蘋果

閒趁秋芳野步遲，一天涼露曉晴時。
短山欹岸圍荒圃，淺碧輕紅綴滿枝。
絕品自應風味淡，新嘗覺與性情宜。
年來快意無如此，除却楓亭擘荔支。

偶遊雙山劉生心智率族衆邀至村居

疊泉高下破雲流
亂嶺關頭宿雨收
閒向西風驅
匹馬又從北嶽見
諸劉力耕餘
到三年食抄讀
編成萬卷樓
淪茗客堂山翠裡
鳴蟬鬪鳥滿林秋

哭業師

姓張氏諱拱字端如

先生吾父執贍拜
夬角時稍長
依門下卅載
長追隨
言動示矩度
談笑寓箴規
口授復心傳
晦明風雨期
吾家百口衆
何道泯嫌疑
處人骨肉間
婆心力護持
動之以天性
申之以民彝
諸伯叔兄弟折

表得和熙愚戇如小子奉教免參差此德非常德

感激入心脾我爲結吟社時賢共分題

謂宗必大侯建庵羣

景邕家用儀諸君

爲我執斧柯名門許結褵

謂爲約婚熊朱陽舅氏

因我抱癢痂診視代醫治因我問行藏子平理數

推

精於醫卜

窺我猶恃氣養德喻木鷄窺我有隱憂鎖

眉開玉匙關情旣真切時過繫人思近年博一官

再拜及臨岐送別話不成徘徊晷影移頻頻傳鯉

素什襲日翻披依然奉顏色侍立承耳提夏初忽

報書示疾撤講帷貌瘦食倍少氣衰酒相欺讀罷

意傍徨省問苦羈縻一力供奔走薄具藥餌資鴈
門高於天雲樹望迷離有懷日耿耿奮飛怨翹翹
山頽將安仰哲人慟已萎諸弟通急遞數行字半
歎腸胃欲崩裂涕淚下漣而兀坐似癡醉夢寐還
嗟咨生平艱遇合空老坐數奇殘膏乞後輩科第
摘領髭雜峻峯竹七山兩孝廉家文石進士皆門下士因流當見源探本
可借枝千古自千古浮世謝一麾獨愧負師恩圖
報失津涯枯硯磨石墨荒庄落豆莢未及遂舊約
安車晉水湄官舍下床榻擊鼓効舞醜惟有書紳

語遵聞行所知矢以清白吏毋貽門墻疵但能施
利濟猶是化雨滋但能助長養猶是春風吹愛人
本學道敢云虛委蛇素志有未逮小補寄於斯秋
雨正蕭瑟天末起涼颶爲位向西哭逆酌致清醑
易簣躬未預執紼禮將遺大招乏楚些精魂恍惚
迷挽歌仿薤露執友慷慨爲三年服心喪五字志
深悲

先生遺事有可紀者再得二首

不作風雲月露辭后蒼原審古聲詩晚年樂善通

懷處愛聽門人說解頤

十年家火伏丹爐，月夕花朝酒一壺。借把清烟消

永日，解嘲屬賦淡芭菰。

服餌節飲性嗜菸

簡查蘇海孝廉

寓永安寺

甚欲相從破蕭瑟，幽棲地僻少經過。城頭曉日峯
千仞，寺院秋陰竹一窠。爲問平安醉司馬，已無文
字病維摩。再拋藥裹齋心坐，造化小兒如子何。

題畫

杜漁村畫障得自汴上，今十年矣。恒山景物備極彷彿，因系以詩。渾源官舍軒

憲間俱見此山環青樓尤顯，節載書來遠宦把酒對名山，余題聯也。

偶與恒山作主人尋芳輕屐到深春畫師似會前
因事寫意先爲古黛皴

環青樓外好烟鬟吟眺從消永日閒挈取圍床分
一曲依然把酒對名山

地爐

地爐深口中曲蟠鐵爲圓蓋方承盤虛空引火烘
滿室複壁重簾春晝寒斫薪續炭勞童僕薰灼手
爪幾成癩此役入夏定可免且將給汝搖白團笑
向主人回軟語也須煮茗燒飛丹

寄和外大父樂壽堂舊勝詩

外家本望族世德不易紀史乘光前朝月旦高鄉

里繫在嘉靖初吏治課能否月獲鹿與良鄉畿輔

實繼美詔語嘉丕績循良名父子至今瞻遺坊層

霄去尺咫

吾邑父子循良坊前明嘉靖間准勅同爲獲鹿令熊公玻良鄉令熊公謙建同

時馬光祿

理

文章歸阿士碑版照四裔凡例森然

起門庭絕干謁矜慎在譽毀林泉相過存交情正

如水爲作擘窠書鸞鶴倏停峙眉壽頌南山君子

古樂只生平無愧詞傾倒亦至矣自天褒題處互

證有同旨魏公存笏板杜侯貽書史舊物同栢椽
傳守責雲耳阿翁述祖德詩歌諧宮徵屬和難爲
工風韻都未似記曾隨上塚清明逼上巳拂藪讀
蒼碑涇野千字詠

獲鹿公墓表爲
呂仲木先生撰

再呈二首

墨妙通神尚可臨藜堂風雨歲時深題從老友椽
爲筆守到雲孫雪滿簪三語端應推善頌一斑藉
見嗣徽音信知大壽同金石清白家聲已至今
此中佳趣舊從窺別後還勞寄語知窻曉攤書閒

點筆燈明坐客共圍棋向來眠食都無恙解事扶
將定是誰何日登堂重問訊開顏博得笑領讀平聲
之

拜焦龍公冢次韻

藏蛻蒼山頂寥天接大羅穿雲尋去徑駐馬望迴
坡已禁樵持斧寧來牧荷蓑非徒五十步鬱鬱萬
松多

疊韻柬王近光學博

日霽好來過酌君金叵羅泥塗怯羸馬山縣轉平

坡竟曳青苔屐閒歌白鷺衰儒官無吏責祈祝助

予多

前二日禱
雨焦龍公

題曹容圃學使棗南書屋圖二首

三十車箱滿載書廿年移傍

紫宸居太原拜令還都日樹影娑婆識舊廬

秋庭佳果綴離離不藉青陽嫁樹詞課罷諸郎還
一笑分甘爲見並推梨

烈婦行

蒼蒼青谷口泠泠青谷水細流赴清漳宛轉依山

趾山村程氏女嫁得郭氏子夫婿好遠遊母家長
相倚強徒夜瞰室女弱投繯死譚然驚鄉鄰未能
知所以藁葬入荒邱冤魂詎含視事聞須推求推
求屢移晷或曰母所逼失意困楚捶母曰媿所誤
與之同臥起母癡媿更癡數問但唯唯聚落十數
家各安屋此此二豎何蒼黃閒道中夜徒窟穴狡
似兔奔騰速如鬼踪跡乃得之伏罪置於理止暴
愧涼德得情固勿喜庶慰泉下人隱恨釋切齒投
管激以義斷管引爲恥維彼皆仕族高節照青史

女也本寒微矢志願如此

題畫

消得衙齋盡日閒此生有分是看山一峯清峭秋
空落城角西南樹影間

雲影秋嵐一片寒林霜濃點晚楓丹怪來得邑山
深處粉本天教稱意看

石勒城

長嘯東都去揚兵易水還已撓三部力自置二劉
聞鈴語卜晴晝棘林催淚斑徒餘潰麻處風雨響

空山

寄五弟都門

時在四庫全書館

報我山城一幅箋，平安鄉問夜來傳。
遙知旅邸多秋思，爲附征鴻向日邊。
簞錦欲將窮七錄，鹽齏須是過三年。
故人京洛誰深契，共與論文入妙詮。

東程生彥之

天寒正好深藏手，相累抄詩似不情。
落筆微聞快風雨，擘箋要看雜真行。
狂詞綺語刪都盡，氣挫心恬調欲平。
負性從來恥干謁，休疑無字及公卿。

雪中用羅字韻漫成二首

臣門亦如水雀凍漫張羅事少吏兼隱山深城半
坡吟肩聳鶴筆畫意到漁簑冷淡作生活人言幽
興多

藹藹復奕奕長空誰從讀上聲羅明連殘月影寒微

夕陽坡茶乳濃於酒裴茸亂似簑深窻相伴處燈
火覺情多

寄家文石兄香河來書議取眷屬故未聯云然

曉陘荒城抱石盤京畿支邑近龍灣各羈微宦風

塵裡時繫離情夢想間通脫似聞長快意笑談誰
與共開顏蒸藜炊黍堪相樂休道家人戀故山

立春

三度行春漳水湄長官贏得領添髭山深昨始新
頒歷雪好冬來頗應時蒼茫原頭鳴畫鼓蕭森林
畔簇青旂勸耕自是年年事用意殷勤野老知

饋歲

未礙居官少故人部民歲久似交親類經春磨微
通摯自抒忱恂爲薦春麩藁秣田吾事了山原墾

不其言 卷四
一
土汝家貧鐵鑄溫酒聊相勞餘俸平分割半緡

除日

檢點一年行過事喜看案牘有餘清吏民已自安
吾拙功用還多仗歲成野市沙灘散亭午山城松
炬照初更盡傾新釀同僚友接座歡呼擬徹明

元日

已看四十今朝是舊日頭銜領九年爲驗升沉俱
倏爾何妨故我尚依然風塵僻處還差少節物閑
中得自專且合推人登要路春山正對縣門前

人日

殘雪輕冰已渙然柔風韶景共暄妍天晴元日到
人日春早去年經閏年自是燠寒依定序從知遲
速繫前緣唐花火迫殊匆促閑汲山泉養水仙

上元

團樂新月到黃昏閭巷喧闕作上元兀坐那能守
齋閣戲游聊爾命車幡伶優俗樸寧妨拙燈火年
豐倍覺繁喜見流星占露布將軍中夜破崑崙

時

王師討
罪金川

示女

性愛攤書傍繡床解將落墨寫花房聰明所惜非
男子依倚相攜遠故鄉失母多年長作念感懷老
我倍難忘官貧知汝能心諒竹筥聊爲遣嫁裝

寄畫與姚蓼軒表兄

秋寒風影上菰蒲暮靄沉沉淡欲無彷彿城南溪
畔路與君同向酒家壚

採芝圖詩

附李敬迪記

上黨季翁省三工

於山水偶及人物花卉以藝游天
下士大夫樂得其畫尺幅片紙必珍之甲
午季春至武鄉館於荷塘明府明府固精

六法相得甚歡也一日酒酣於素間作採
芝仙幕客謂其有似於明府季曰吾欲滿
此十二頁非爲明府寫照也客引荷塘觀
之荷塘亦謂其似也從而我之客曰省三
月餘來與主人相習不覺其有合也荷塘
曰豈天馬萬旋卽語師乎季曰明府自有
仙風道骨非明府似仙翁仙翁似明府耳
客遂濡毫記之如右甲午四月十三日鑑
湖李人杰

金索沿成竹樹墨巾曳作雲山從來得心應手有
意無意之間

是非原來了了分別何必區區久已我能見我而
今吾欲忘吾

訓季翁寫余寒江釣雪照

漫天風雪到來時
竹樹蕭疎石岸欹
一領紅衣坐
烟艇釣師原比品官宜

曹陸前身我後身
要從相外見天真
對君忽擬深
相避學塑端應妙入神

覺羅喜勉齋刺史示錢稼軒先生畫弓

茶山大落墨時
逼交五峯此幅獨簡遠
枯淡無筆
蹤疎林俯石徑耳
欲聞秋風漁舟轉
山脚搖影入
空濛昔年曾許我
秘訣傳南宗
烟雲忽過眼
感歎

意何窮

碧雲閣詩 并敘

武邑因山爲城山麓爲署滿城樹影參差衙
署間古幹修柯更爲蔥鬱風雨之時雪月之
夕各有妙景而於夏尤宜廳事之東爲浣石
軒又東除莠得地兩弓葺小閣高出樹杪所
以便吟眺也茗枕香几隱囊臥簟盡在綠陰
中而環堞以外溪流迴繞隔岸山嵐遙送青
來村落寺觀弄影林罅畦蔬隴麥蔚然蒼然

不必紫蓋丹梯亦極縹緲之趣矣名曰碧雲

賦詩三首甲午端陽日

碧霄看已近無處着塵氛綺密連窻影鱗差合鬣
紋好風難送去淡日豈知開卽此堪怡悅荷需嶺
上雲

天疑構雲屋誰問草堂賞遂嬾長欹枕忘形偶拄
頤遽能游汗漫借比剖藩籬却被韓公詫憑依乃
自爲

謝竇老秀才送榴花

蒙密枝攢翠，匊葉鮮明。花艷紫駝尼，從知多子三。
秋後卽看重臺五月時，谿石蠶沙全得養粉墻苔。
院正相宜鐵丹應驗和仙餌，分與勞人換鬢絲。

何禹門寫吳鈞烟上舍餅飲照

吳生本是滑稽雄，談天之口結喉嚨。五侯腥鯖不
快意，嬾隨雜賓傳。碧筩偶然皂蕘，一磬倒恰得三
百錢。青銅翻身高步來，酒肆泥頭擘手開黃封。人
間烟火總薰灼，徑將飲澗學長虹。丹府溫暾燄騰
上，燥濕不問山鞠窮。草屨老翁方在座，寫形妙入

髮崩鬆指點前林把臂去胡盧大笑聞天風

題畫

樹影蕭疎夕照孤野烟沙水共模糊天機所到吾
何與筆跡墨痕看已無

示阿祿

汝父少而孤遺汝亦穉幼母亡先汝父零丁汝乳
臭我爲撫養之提攜隨左右主母我同心

謂熊
孺人辛

勤如哺穀稍長侍書帷句讀聞去聲指授雜誦日瀾

翻文義畧窮究作字學我法粗能曉結構捷警解

人意憐汝資伶透我來官遠方鞭鐙効奔走鴈門
及涅城相從亦已舊詩札應抄胥圖書屬典守不
以常奴遇小過必寬宥婢女以妻汝居然得有後
於分則主僕於恩則顧復邇來頗耽酒拚命敢多
又飲食日以減神昏貌消瘦單紉將斷榦堅石幾
穿溜肉豈糟耐久布真爛甑覆醫藥費苓朮針砭
雜炷灸焦勞攬我思厨下竟偷扣力制悔不早再
遲定無救送汝至山寺皈依持梵咒盃酌與壺鐺
無從遇邂逅百日以爲期二豎去膚腠別離慘汝

情齋戒延汝壽詎不念岑寂分甘寄橙樓主人繡
佛前逃禪方舍耐

與錢潤蒼同年

時任
陽曲

山樓已嬾出離思促人來乍見語翻少隔年書幾
迴燈檠結重葢茶竈撥寒灰坐覺今宵短珊珊漏
箭催

與治有十七弟論文二首

標格八家原自齊文章山斗是昌黎要知心法無
他異去盡陳言妙入題

遣山豈故作難詞
甘苦經營久始知
浮艷掃除風
格老乾坤清氣得來時